



2020 йил «28» апрел

№ 979 а

Богот шаҳарчаси

Қипчоқ қишлоғи ҳудудида фаолият кўрсатаётган “Иброхимжон Рахимберган” фермер хўжалигига узок муддатли ижарага ер участкаси ажратиб бериш тўғрисида.

Қипчоқ қишлоғи ҳудудида фаолият кўрсатаётган “Иброхимжон Рахимберган” фермер хўжалиги бошлиғи Р.Турумбетовнинг фермер хўжалигига ижарага ер майдони ажратиб беришни сўраб туман ҳокими номига йўллаган сўровномасини ҳамда бу юзадан фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорқа ер эгалари Кенгашининг хулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Ер кодекси”нинг 6,53-моддаларига, “Фермер хўжалиги тўғрисида”ги қонуннинг 11-моддасига ҳамда Ўзбекистон Республикаси “Маҳаллий давлат ҳокимияти” тўғрисидаги қонуннинг 6-моддасига асосланиб

ҚАРОР ҚИЛАМАН:

1. Қипчоқ қишлоғи ҳудудида фаолият кўрсатаётган “Иброхимжон Рахимберган” фермер хўжалигига Қипчоқ қишлоғи ҳудудидаги туман ер захира фондидаги қишлоқ хўжалиги харитаси бўйича 83, 84, 85, 86, контуридаги умумий ер майдони 14,7 гектар, шундан 14,2 гектар боғ, 0,2 гектар ариқ ва зовурлар остидаги, 0,3 гектар йуллар билан банд бўлган ер участкасини ижарага ажратиб бериш мақсадга мувофиқлиги ҳақидаги фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг хулосаси маъқуллансин.

2. “Иброхимжон Рахимберган” фермер хўжалиги бошлиғи (Р.Турумбетов)га Қипчоқ қишлоғи ҳудудидаги туман ер захира фондидаги қишлоқ хўжалиги харитаси бўйича 83, 84, 85, 86, контуридаги умумий ер майдони 14,7 гектар, шундан 14,2 гектар боғ, 0,2 гектар ариқ ва зовурлар остидаги, 0,3 гектар йуллар билан банд бўлган ер участкаси (49 йил) муддатга ижарага ажратиб берилсин.

3. Туман ер ресурслари ва давлат кадастри бўлими бошлиғи (Р.Рахимов)га, туман ҳокими қарори қабул қилингандан кейин ажратилган ер участкасини белгиланган тартибда жойни ўзида (натурада) белгилаб бериш, далолатнома асосида топшириш ҳамда фермер хўжалиги билан туман ҳокими ўртасида тузиладиган ер участкасини узоқ муддатли ижарага олиш шартномасини расмийлаштириш вазифаси топширилсин.

4. “Иброхимжон Рахимберган” фермер хўжалиги бошлиғи (Р.Турумбетов)га ажратиб берилган ер участкаси атрофларини бегона ўтлардан тозалаб бориш, ариқ бўйларига тут кўчатлари ўтказиш ва уларга қаровни белгиланган муддатларда амалга ошириш доимий вазифа қилиб белгилансин.

5. Ушбу қарорнинг тасдиғи фермер хўжаликларига қишлоқ хўжалиги учун ер майдонлари ажратиш масалаларини кўриб чикувчи вилоят комиссиясидан сўралсин.

7. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев